



Broj: 12/08-27-14937-5/17
Zenica, 28.11.2017.godine

Na osnovu člana 70. stav (1) i (4) Zakona o javnim nabavkama ("Službeni glasnik BiH" broj:39/14) i Zapisnika komisije sa preporukom, broj: 12/08-27-14937-4/17 od 27.11.2017. godine, u konkurentskom zahtjevu za nabavku usluga broj: 1417-7-2-16-3-18/17 od 03.11.2017.godine, direktor Kantonalne direkcije za ceste Zeničko-dobojskog kantona, donosi:

ODLUKU

o poništenju postupka javne nabavke u konkurentskom zahtjevu

I

Poništava se postupak javne nabavke broj: 1417-7-2-16-3-18/17 od 03.11.2017. godine koji se provodi putem konkurentskog zahtjeva, a koji se odnosi na nabavku usluga izrade saobraćajnih projekata za regionalne ceste:

- R 466 Kakanj (raskrsnica Čatići) – Kraljeva Sutjeska – Nažbilj (kraj asfalta), dužina L= 16,00 km;
- R 441 Zenica – Vjetrenice (granica kantona), dužina L = 10,00 km;
- R 469 dionica Ribnica-Banovići (granica Kantona), dužina L = 3,80 km;

u skladu sa članom 69. stav (3) Zakona o javnim nabavkama BiH, zbog greške u proceduri dostave blagovremenih ponuda Komisiji za javne nabvke.

II

Odluka će se u skladu sa članom 70. stav (6) Zakona o javnim nabavkama BiH objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Obrazloženje

Postupak nabavke pokrenut je Odlukom broj: 12/08-27-14937/17 od 02.11.2017. godine. Javna nabavka je pokrenuta po konkurentskom zahtjevu za nabavku usluga u skladu sa članom 87. i 88. Zakona o javnim nabavkama BiH („Službeni glasnik BiH“ broj: 39/14).

Obavještenje o nabavci broj: 1417-7-2-16-3-18/17 objavljeno je na Portalu javnih nabavki 03.11.2017. godine.

Komisija za javne nabavke imenovana rješenjem broj: 12/08-27-14937-2/17 od 23.11.2017. godine, ugovornom organu blagovremeno je dostavila zapisnike o otvaranju kao i zapisnik sa preporukom Ugovornom organu..

Izvještajem i preporukom Komisije za javne nabavke, utvrđeno je:

- da je Zapisnikom o otvaranju ponuda od 23.11.2017. godine konstatovano da je pristiglo 5 (pet) ponuda u određenom roku za dostavu (23.11.2017. godine do 12:00 sati) i to:
 1. „IPSA INSTITUT“ d.o.o. Sarajevo,
 2. „INK Konstruktor“ d.o.o. Banja Luka,
 3. Institut za građevinarstvo „IG“ d.o.o. Banja Luka,
 4. „Institut za saobraćaj i komunikacije“ d.o.o. Sarajevo i
 5. „DIVEL“ d.o.o. Sarajevo.
- da je nakon otvaranja ponuda 24.11.2017. godine Komisiji za javne nabavke dostavljena ponuda ponuđača „SARAJ INŽENJERING“ d.o.o. Sarajevo a koja je zaprimljena na protokol 22.11.2017. godine u 13:00 sati.

Komisija za javne nabavke je utvrdila da su sve ponude blagovremene ali da zbog greške u preuzimanju istih, ponuda ponuđača „SARAJ INŽENJERING“ d.o.o. Sarajevo nije dostavljena komisiji prije roka za otvaranje (23.11.2017. godine do 13:00 sati). Zbog navedene greške javno otvaranje ponuda se obavilo bez ponude ponuđača „SARAJ INŽENJERING“ d.o.o. Sarajevo.

Kako se radi o propustu koji se dogodio prilikom javnog otvaranja ponuda, a koji se ne može naknadno ispraviti a u cilju transparentnosti postupka, jednakog i nediskriminirajućeg tretmana svih ponuđača te osiguranja pravične konkurencije, Komisija za javne nabavke je dala preporuku ugovornom organu da na osnovu člana 69. stav (3) Zakona o javnim nabavkama BiH u cijelosti poništi konkretan postupak javne nabavke.

Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Ugovorni organ će u skladu sa članom 70 i 71. Zakona o javnim nabavkama, Odluku o poništenju postupka javne nabavke dostaviti svim učesnicima postupka zajedno sa Zapisnikom o pregledu i ocjeni ponuda.

Pouka o pravnom lijeku:

Protiv ove Odluke može se izjaviti žalba Kantonalnoj direkciji za ceste Zeničko-dobojskog kantona u roku od 5 (pet) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14).

Dostavljeno:

1 x Svim ponuđačima,
1 x a/a

